



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 37. Pœnitentia Interfectorum Episcopi Anciensis.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

cucullo tenere, in terram, lutum & nives de-
de. Si hæc omnia lætantes patimur, & memores, nostrum esse opprobria & arumnas Jesu Christi sustinere, discite Frater, in his adversis perfectam inveniri lætitiã. Denique omnium Donorum Spiritus Sancti præcipuum est, se ipsum vincere, atque lubenti animo ignominiosa ex amore Dei pati. Hucusque S. Franciscus.

Sæcul. XIII.
A.C. 1220.

§. XXXVII.

Pœnitentia Interfectorum Episcopi Aniciensis.

Superiore anno exeunte Robertum Meunium Episcopum Aniciensem par-
to. 3. p. 916.
ricidio sustulerat vir quidam Equestris, nomine Bertrandus de Cares, quem Episcopus ob damna Ecclesiæ illata excommunicaverat. Hunc Antistitem, licet Natalibus clarum, multo illustriorem reddiderant virtutes, præsertim amor puritatis, quam tota vita custodivit, etsi præstantem corporis speciem a natura accepisset. Interfectus est vero vigesima prima Decembris, anno millesimo ducentesimo decimo nono, & populus indignans pastoris sui necem, ac in latronis propinquos furens, eorum arces munitas solo æquavit. At Bertrandus,

G. Nang.
an. 1220.
Chro. Antiss.
eod.

Nn 4

Sæcul. XIII.
A. C. 1220.

trandus, tetri facinoris pœnitentia subeunte, Romam cum conscis commisit absolutionem a crimine petiturus. Honorius Papa, ut ex gravissima pœnitentirent, quantum deliquerint, eos diu ante fores Palatii sui stantes, nudis pedibus, interula tectos nequicquam ejulantes & flentes expectare coegit. Tandem, ne in desperationem agerentur, & quia se meliorem in modum satisfacturos esse promittebant, juramento adstrictos, quod sequentem pœnitentiam implere vellent, absoluit.

Porro Pœnitentia fuit hujusmodi: *Illi, qui convenerunt, Episcopo insidias structuri, sed inscii, quod de ipsa Præstolis vita ageretur, si nihil aliud ad ejus necem contulerunt, sine mora Ecclesia Aniciensi, quæcunque ab ea tenent Feuda, reddant, nunquam ea repetant, nunquam eis jus sit in hunc finem actionem movendi. Tum per dies quadraginta in urbe Aniciensi, si ibi tuto degere possint, saccis vel ciliciis tecti, abscissis capillis, in pane & aqua bis in septimana jejunantes, ostiatim mendicent. Si ipsi Anicii tuto prodire non liceat, eandem quadraginta dierum pœnitentiam in aliqua alia urbe vicina peragant. Qua completa, in Terram sanctam proficiantur, biennio ibidem militaturi. Reliquo autem vitæ tempore omnibus diebus*

diebus Veneris in pane & aqua jeju-
nent. Sæcul. XIII.
A. C. 1220.

Bertrandus vero criminis auctor, postquam Ecclesie Aniciensi omnia, quae forte habet, Feuda restituerit, juret, se nunquam cuicumque Christiano arma illaturum esse. Ter quadraginta diebus Anicii, vel si in illa civitate secure versari non liceat, in alia sacco vestitus, & cineribus stratus, abscissis capillis, nudis pedibus ostiatim mendicet, & ter in septimana in pane & aqua jejuset. Omnibus diebus Dominicis per tres suas Quadragesimas ad Clericos & populum urbis procedat, nudus, virga manus tenens, quibus feriat. Postea mare transmitat, & in Terra sancta annis septem militet. Inde reversus Papam adeat, cum literis Patriarchae, aliorumque virorum spectatae auctoritatis, in quibus de ejus in Palaestina moribus testimonium contineatur. Tota vita sua singulis annis bis quadraginta dierum jejunium servet, atque in pane & aqua diebus Veneris & in Vigiliis jejuset. Septem annis a Communionem Corporis & Sanguinis Domini Nostri abstineat. Si, postquam ter quadraginta diebus praescripta perfecerit, Ordini Cartusensi vel Cisterciensi nomen det, reliquae penitentiae indulgentiam consequetur.

Sæcul. XIII.

A. C. 1220.

4. ep. 810. ap.
Rain. n. 28.

Huc usque Epistola Papæ, die decima Julii, anno millesimo ducentesimo vigesimo data, atque ad Episcopos Viariensem & Tricastriensem directæ, quæ reos ad suscipiendam pœnitentiam etiam adhibitis Censuris Ecclesiasticis compellere jubentur. Ceterum hoc exemplum inducere operæ pretium censui, ut quantum pœnitentiæ modus illa ætate a pœnitentia primorum sæculorum diversus sit, appareat.

§. XXXVIII.

*Res Cruce signatorum in Oriente.*to. 3. Spicil.
p. 373.

Inter hæc Jacobus Vitriacus, Episcopus Acriensis, Pelusii commorans, Epistola ad Honorium Papam, in Octava Paschæ, hoc anno millesimo ducentesimo vigesimo in diem quintam Aprilis incidens, data, Res Cruce signatorum perferpsit in hunc modum: *Pelusio expugnato, complures ex nostris fortuna prospera abusi, iram Dei suis criminibus provocarunt, præsertim commissis fraudibus in divisione prædæ, Infidelibus detractæ, quæ in bonum commune comportari debuisset. Has opes male partas lusu, commessationibus, luxuria & expensis in meretrices collatis perdiderunt. Præterea detractores, seditiosi, refractarii, Sacerdotum & Excommunicationis Ecclesiasticæ contemtores, proditores, sum-*